

—  
Орелъ

19 17



ՌՍՏԱՐԱԿ. ՀԱՅ ԺՈՂ. ԿՈՒՍԱՍ

№ 1.

Ծ Ր Ա Պ Ի Ր

ՀԱՅ ԺՈՂՈՎՐԴԱԿԱՆ


ԿՈՒՍԱՍԿՑՈՒԹԵԱՆ

A I  
18902

ՎԵՐԱԲՆՆՎԱԾ Ա. ՀՍՄԱԳՈՒՍԱՐՈՒՄ

Սեպտեմբերի 27-ին

559  
2045



ԹԻՖԼԻՍ

Տպարան «Եկոնոմիա», Մեծ-Ղառնի փող. № 3  
1917





9.14 (47.925)

8-89

A 18902

Գ Ր Ա Գ Ա Ր Ա Ն  
 ԳԵՈՐԳ ՄԵԼԻԿ-ՎԱՐՍԻՖԵՑՉԵԱՆԻ  
 ՏՐԱԳԻԸ  
 սկզբն. դէ՞ և՞ վերջն. և՞

ՀԱՅ ԺՈՂ. ԿՈՒՍԱԿՑՈՒԹԵԱՆ ԾՐԱԳԻՐԸ,  
 ՎԵՐԱՔՆՆՎԱԾ ԱՌԱՋԻՆ ՀԱՄԱԳՈՒՄԱ-  
 ՐՈՒՄ, ՍԵՊՏԵՄԲԵՐԻ 27-ԻՆ.

1. Հայ ժող. կուսակցութիւնը համադրաբար է նա կարող է ճիշդոր բանալ թէ Ռուսաստանում և թէ նրա սահմաններէն դուրս:

2. Հայ ժող. կուսակցութիւնը ազատապէս սակարգաբար է նրա մէջ անարգել կարծիքներ մտնել հայ ազգին պատկանող բոլոր հարահաս անձերը, որոնք ընդունում են կուսակցութեան ծրագիրը, առանց սկսել շարժումների և դասակարգի խտրութեան:

3. Ռուսաստանում քնակվող օտարազգայնակ հայերը կարող են կուսակցութեան ստանալ լինել, սակայն նրանք չեն մասնակցում պետական հարցերի լուծման և պետական հ/Պետութեան հետ շարժումների:

ՀԱՅ ԺՈՂ. ԿՈՒՍԱԿՑՈՒԹԵԱՆ  
 ՎԵՐԱՔՆՆՎԱԾ ԱՌԱՋԻՆ

# I. ԸՆԴՀԱՆՈՒՐ ՊԵՏԱԿԱՆ ՀԱՐՑԵՐ

## Ա) Քաղաքացիների իրաւունքները

4. Ռուսաստանի բոլոր քաղաքացիները, առանց սեռի, կրօնի և ազգի խտրութեան, հաւասար են օրէնքի առաջ: Բոլոր ազգերի դասային տարբերութիւնները և անձի ու ստացուածքի իրաւունքի սահմանափակումները վերացվում են:

5. Ամեն մի քաղաքացի վայելում է խղճի ու դաւանանքի ազատութիւն: Չէ թոյլ տրվում որեւէ հալածանք դաւանանքի կամ համադմունքի, դաւանանքը փոխելու կամ նրանից հրաժարվելու պատճառով:

6. Ամեն ոք ազատ է կատարել իր կրօնական և աստուածապաշտական արարողութիւնները և քարոզել իր դաւանանքը, եթէ միայն սրանք չեն պարունակում այնպիսի գործողութիւններ, որոնք պատժելի են քրէական օրէնսդրութեամբ:

7. Ոչ մի եկեղեցի կամ դաւանութիւն պարտութեան մէջ չի պէտք է վայելէ առանձին արտօնութիւն: Եկեղեցին անջատ է պետութիւնից:

8. Ամեն ոք ազատ է արտայայտել իր մտքերը բերանացի կամ գրով և նրանց հրատարակել մամուլի կամ այլ միջոցով: Գրաքննութիւնը, ընդհանուր կամ յատուկ, ինչ անուան առկ էլ որ լինի, վերացվում է և չէ կարող վերանորոգվել: Բերանացի կամ տպագրական խօսքի միջոցով կատարված յանցանքների կամ օրինազանցութիւնների



և մար յանցաւորները պատասխանատու են միայն դատարանի առաջ:

9. Ռուսաստանի բոլոր քաղաքացիներին իրաւունք է տրվում կազմակերպել հրապարակական ժողովներ բացօդեայ կամ փակ շինութիւնների մէջ՝ ամեն տեսակ հարցեր շինելու համար:

10. Ռուսաստանի բոլոր քաղաքացիներն իրաւունք ունին հիմնելու միութիւններ և ընկերութիւններ, առանց այս մասին թոյլտվութիւն խնդրելու:

11. Պետիցիա տալու իրաւունք ունին ինչպէս առանձին անհատները, այնպէս էլ ամեն տեսակ խմբակցութիւններ, միութիւններ ու ժողովներ:

12. Իւրաքանչիւր մէկի անձը և բնակարանը անձնոնմխելի են:

13. Մասնաւոր բնակարաններ մտնելը, հուղարկութիւններ կատարելը, իրեր վերցնելը, մասնաւոր գրազրութիւն բանալը թոյլ են տրվում միայն օրէնքով ցոյց տրված դէպքերում, այն էլ միայն դատարանի վճռով: Ամեն մի ձերբակալված անհատ քաղաքներում և այն տեղերում, որտեղ կայ դատարանական իշխանութիւն՝ 24 ժամվայ ընթացքում, իսկ միւս տեղերում երեք օրվայ ընթացքում պէտք է կամ արձակվի կամ յանձնվի դատական իշխանութեան: Ամեն մի ձերբակալում, որ տեղի է ունեցել առանց բաւարար հիմունքի կամ աւելի երկար է տեւել քան օրէնքով սահմանված է, իրաւունք է տալիս տուժողին իր մասների փոխարինութիւն պահանջելու պետութիւնից:

14. Ոչ ոք չէ կարող հալածանքի և արատի ենթարկվել այլապէս, քան օրէնքի հիման վրա՝ դատական իշխանութեան և օրէնքով սահմանված դատարանի միջոցով: Ոչ մի արտակարգ դատարան թոյլ չէ տրվում:

15. Ռուսաստանի հիմնական օրէնքը պետութեան մէջ բնակող բոլոր ազգութիւններիս պէտք է երաշխաւորէ ազատ հուլատւրական ինքնորոշման իրաւունք, այն է լիակատար ազատութիւն գործ տնկու հասարակական կեանքում զանազան լեզուներ և բարբառներ, ազատութիւն հիմնելու և պահելու ամեն տեսակ ընկերութիւններ և կրթական ու գիտական հիմնարկութիւններ, որոնք նպատակ ունին պահպանել ազգութիւնների լեզուն, գրականութիւնը և կուլտուրան:

16. Ռուսերէնը պէտք է լինի պաշտօնական լեզու պետութեան կենտրոնական հիմնարկութիւնների, զօրքի և նաւատորմի մէջ:

17. Պետական լեզուի հետ յմիաժամանակ տեղական լեզուների գործածութիւնը պետական և հասարակական հիմնարկութիւնների մէջ և այն բաւարարանների մէջ, որոնք պահպանվում են պետութեան կամ ինքնավար մարմինների հաշվով, կարգադրվում է պետական և տեղական օրէնքներով և հասարակական հիմնարկութիւնների ձեռքով՝ օրէնքի սահմաններում:

18. Ամեն մի վայրի բնակչութիւնը պէտք է իրաւունք ունենայ կրթութիւն ստանալու իր մայրենի լեզուով ուսման բոլոր աստիճաններում:



## Բ) Պետական կազմը

19. Ռուսաստանը պէտք է լինի գէտօկրատական պարլամենտական հանրապետութիւն, օրէնսդրական իշխանութիւնը պատկանելու է ժողովրդական ներկայացուցչութեան: Գործադիր իշխանութեան գլուխ կանգնած պէտք է լինի հանրապետութեան նախագահը, որ ընտրված կը լինի որոշ ժամանակամիջոցով ժողովրդական ներկայացուցչութեան կողմից և կը կառավարէ մինիստրութեան ձեռքով, որ պատասխանատու է ժողովրդական ներկայացուցչութեան առջև:

20. Ժողովրդական ներկայացուցիչներն ընտրվում են ընդհանուր, հաւասար, ուղղակի և գաղտնի ձայնաւարկութեամբ, առանց զաւանանքի, ազգի և սեռի խտրութեան, համեմատական սկզբունքով:

21. Ժողովրդական ներկայացուցչութիւնը ժամանակցում է օրէնսդրական իշխանութիւնը իրաւործելու, պետութեան ելե՛նուարը սահմանելու մէջ և վերահսկում է բարձր ու ստորին աղճինիստրացիայի գործողութիւնների օրինականութեան և նպատակայարմարութեան վրա:

22. Ոչ մի սրտում, կարգադրութիւն, հրաման, ինչ անուն էլ որ կրէ և ունից որ թղխէ, չէ կարող օրէնքի ոյժ ստանալ եթէ հիմնված չէ ժողովրդական ներկայացուցչութեան սրտման վրա:

23. Պետական ելե՛նուարը որոշվում է օրէնսդրական կարգով, ոչ աւելի քան մի տարի ժամանակով: Ոչ մի տեսակ կարկ, սակ կամ տուրք յօդուտ պետութեան, նոյն-

պէս և պետական փոխառութիւնները չեն կարող սահմանվել այլապէս՝ քան օրէնադրական կարգով:

24. Ժողովրդական ներկայացուցիչներին ժողովի անդամներն իրաւունք ունին օրէնադրական նախաձեռնութեան և հարցապընդումի:

Գ) Տեղական ինքնավարութիւն եւ աւտօնօմիա

25. Տեղական ինքնավարութիւնը կիրառվում է ամբողջ ուսական պետութեան մէջ:

26. Տեղական ինքնավար մարմինների ներկայացուցչութիւնը պէտք է ընտրվի ընդհանուր, հաւասար, ուղղակի, գաղտնի և համեմատական ձայնատուութեամբ: առանց սեռի, դասանանքի և ազգութեան խտրութեան:

27. Ստորին ինքնավար միութիւնների ժողովները կարող են ընտրել ու կազմել բարձրագոյն ինքնավար միութիւնների ժողովներ: Նահանգական զեմստվոներն իրաւունք ունին ժամանակաւոր և մշտական միութիւններ կազմել իրար հետ:

28. Տեղական ինքնավար մարմինների իրաւասութիւնը արածվում է տեղական կառավարութեան բոլոր գործերի վրա ի միջի այլոց և ապահովութեան ու բարեկարգութեան ուսականութեան վրայ, բացառութեամբ կառավարչութեան: այն ճիւղերի, որոնք պետական կեանքի ներկայ պայմաններում անհրաժեշտ է պահել կենտրոնական իշխանութեան ձեռքում: Տեղա-



կան ինքնավար մարմինների օգտին պէտք է թողնվի պետական բիւջէի մէջ մտնող եկամուտներից մի մասը:

29. Կենտրոնական իշխանութեան տեղական ներկայացուցիչների գործն է՝ հսկել տեղական ինքնավար մարմինների գործունէութեան օրինականութեան վրա: Այս առիթով ծագելիք վէճերի ու տարակուսանքների վերջնական լուծումը պատկանում է դատական հիմնարկութիւններին:

30. Հիմնադիր ժողովով պէտք է սահմանվեն տեղական աւտոնոմիա և շրջանային ներկայացուցչական ժողովներ՝ օրէնսդրական իրաւունքով որոշ հարցերի վերաբերմամբ, համաձայն ազգաբնակչութեան պահանջներին:

31. Տեղական աւտոնոմ երկիրների սահմանները, ազգաբնակչութեան ցանկութեամբ, կարող են փոփոխվել՝ աւելի միատարր ազգաբնակչութիւն կազմելու համար ըստ ազգային յատկանիշի:

## Դ. Դ ա ս ա ս ա ն

32. Դատաստանական իշխանութիւնն անջատ է վարչականից: Դատաւորներն անփոփոխելի են և անկախ: Դատավարութիւնը հրապարակական է: Դատարանի առաջ բոլորը հաւասար են:

33. Երդուեալնորի դատարանների իրաւասութիւնը որոշվում է միժիայն օրէնքով նախատեսված պատիժների ծանրութեան աստիճանով, անկախ գործի տեսակից. յաճկեանայն դէպս նրանց իրաւասութեան մէջ



են մտնում բարձր պետական ու ապագրական օրենքի դէմ յանցանքները:

34. Ոչ ոք չէ կարող պատժի և թարկվել առանց պատշաճաւոր դատարանի վճռի, որ օրինական ոյժ է ստացել:

35. Արդարադատութեան միջխաղը իրաւունք չունի միջամտելու դատարաններ նշանակելու կամ տեղափոխելու. գործում կամ դատաստանական գործերի վարման մէջ:

36. Դատաւորները պարզենք չեն ստանում: Հաշտարար դատարար կամ երդուեալատենակալ ընտրվելու համար չէ պահանջվում ստացուած քային ցենզ:

37. Փաստաբանական մարմինը կազմակերպվում է իսկական ինքնավարութեան սկզբունքով:

38. Մահվան պատիժն անպայման և առ միշտ վերացվում է: Մտցվում է պայմանաւոր դատապարտութիւն: Մտցվում է պաշտպանութիւն՝ նախնական քննութեան միջոցին: Դատարանին յանձնելու գործողութեան մէջ մտցվում է մրցողական սկզբունք:

39. Արդարադատութեան մերձաւորագոյն գործերը պէտք է լինին՝ բրէտական օրինադրքի հիմնական վերաքննութիւնը, վերացուած այն որոշումների, որոնք հակասում են քաղաքական ազատութեան սկզբունքներին, և վերամշակումը քաղաքացիական օրինադրքի:

Ե.) Ֆինանս. և սնեսական փողոցական  
նութիւն

40. Վերաքննութիւն պետական ելքի բիւ-  
ջէի, վերացնելու համար այն ծախսերը,  
որոնք աննպատակաշարմար են կամ շատ մեծ  
են, և աւելացնելու համար այն ծախսերը, որ-  
ոնք ծառայում են ժողովրդի իսկական  
կարիքներին: Ոչնչացում յետ-գնման (ВЫ-  
КУПЪ) վճարքներին:

41. Զարգացում ուղղակի հարկադրու-  
թեան ի հաշիւ կողմնակի հարկադրութեան  
և հետզհետէ վերացում կողմնակի հարկերի,  
որ զրկած են ժողովրդի համար զործածա-  
կան իրերի վրայ:

42. Բարեփոխութիւն ուղղակի հարկերի՝  
պրօզրէսիվ եկամտային և ստացուածքային  
հարկադրութեան հիման վրայ: Մանր վար-  
կը՝ զարգացնել: Պրօզրէսիվ հարկ սահմա-  
նել ժառանգութեան վրայ:

43. Առանձին արդիւնաբերութիւնների  
դրութիւնն ի նկատի ունենալով՝ պակասե-  
ցնել մաքսային տուրքերը, էժանացնելու  
համար ժողովրդական զործածութեան յա-  
տուկ իրերը, զարգացնելու արդիւնագոր-  
ծութիւնն ու երկրագործութիւնը:

## 2) Հողային օրենսդրութիւն

44. Սակաւահող և անհող գիւղացիներին,  
ինչպէս և մանր տնտեսութիւն վարող այլ  
անձերի հողային կարիքը լրացնելու համար  
պէտք է յատկացնել պետական, ուղէլներին,



կարինետային, վանքապատկան, եկեղեցապատկան, գիւղական և ազնուականական բանկերին պատկանած հողերը, նոյնպէս և մասնաւոր սեփականատէրերի (Ֆիզիկական և իրաւարանական անձերի) հողերը՝ աշխատաւորական նօրմայից բարձր, որոնք ենթակայ են ստիպողական գրաւման:

45. Ստիպողական գրաւման չեն ենթարկվի մանր կալուածները, որոնք աշխատաւորական նօրմայից բարձր չեն, զեմսովային և այլ հիմնարկութիւնների հողերը, որոնք սահմանված են կրթական, ընդհ. առողջապահական, գիտական և այլ հանրօգուտ նպատակների համար. նոյնպէս և ազարակները, պարտէզները, այգիները, բանջարանոցները և զործարանների տակ եղած հողերը:

46. Այս հողային պաշարից, դուրս գալով պահպանվելիք անտառները և պետական մարմինների և ինքնավարութիւնների կարգադրութեան տակ թողնվելիք մասերը, նախ և առաջ բաւարարութիւն կը տրվի տեղական անհող և սակաւահող գիւղացիներին՝ սահմանվելիք նօրմայով. իսկ մնացորդը կը յատկացվի կամ տեղական ազգաբնակչութեան յետագայ կարիքների համար կամ ուրիշ տեղերից հկող գաղթականների համար:

Ժանսօթ. — Թէ աշխատաւորական նօրման և թէ լրացուցիչ հողաբաժինների նօրման իւրաքանչիւր տեղում պէտք է որոշվի յատուկ հողային կօմիտէտների միջոցով, ըստ հողի քանակութեան, յատկութեան և օգտագործման եղանակի:



47. Պետական հողերի պաշարը արվում է կարօտ ազգաբնակչության՝ մշտապէս (անանց պայմանաժամի) օգտակիլու սկզբունքով, ինչպէս առանձին անհատներին, այնպէս էլ համայնքներին և հողագործական ընկերութիւններին, համաձայն տեղերում գոյութիւն ունեցող կարգերի և ազգաբնակչության ջանկութեան:

48. Մասնաւոր սեփականատէրերից հողերը պէտք է գնվեն սլեաութեան հաշուով արդարացի (ոչ շուկայի) գնահատութեամբ, ի նկատի ունենալով ի միջի այլոց սիրապետութեան հիմունքները: Վճարումը կը կատարվի գնման վկայաթղթերով, որոնց տոկոսի մի որոշ մասը կը ստացվի բաժանված հողի վրա նշանակված տուրքից:

49. Պէտք է կազմակերպել պետական լայն օգնութիւն գիւղացիներին՝ գաղթականութեան, տեղափոխութեան և անտեսութիւնը բարւոյցիլու համար, ինչպէս նաև ընտելութեան պատահարների և ազէտների դէպքում: Անջրդի հողերի ոռոգում պետական հաշվով:

50. Օրէնքի միջոցով բարւոյցում արհնդի պայմանների նուազում արեւոյի՝ օրէնքով սահմանված նօրմայով:

51. Վերացում այժմ գոյութիւն ունեցող կարգերի երկրագործական մշակներ վարձելու վերաբերմամբ: Բանվորական օրէնագրութեան տարածումը երկրագործական մշակների վրա: Սահմանում երկրագործական հսկողութեան:

## Է) Բանվորական օրհնադրութիւն

52. Աղատութիւն բանվորական միութիւնների և ժողովների:

53. Գործադուլի իրաւունք:

Գործադուլի ժամանակ կամ նրա առիթով կատարված օրինազանցութիւնները պատժվում են օրէնքով սովորական հիմունքներով:

54. Բանւորական օրէնսդրութիւնը տարածել վարձու աշխատանքի բոլոր տեսակների վրա: Սահմանել աշխատանքի տեսչութիւն, բանվորների ներկայացուցիչներէ մասնակցութեամբ, աշխատաւորների շահերը պաշտպանող օրէնսդրութեան իրագործման վրա հսկելու համար:

55. Ութ-ժամեայ բանվորական օր սահմանել օրէնսդրական կարգով: Այս նօրմայի անմիջական ներմուծումը ամեն տեղ, ուր ներկայումս հնարաւոր է այս, և նրա հետզհետէ ներմուծումը միւս արդիւնագործութիւնների մէջ:

56. Արգելել գիշերային և նօրմայից դուրս աշխատանքները՝ բացի այն դէպքերից, երբ այդպիսի աշխատանքներն անհրաժեշտ են տեխնիկայէս կամ ընդհանուր հասարակական տեսակէտից:

Կանանց և անչափահասների աշխատանքի պաշտպանութեան միջոցները ընդարձակել:

57. Սահմանել հաշարար ատեաններ՝ բողկացած աշխատանքի և կապիտալի կող-



մից հաւասար թվով ներկայացուցիչներին,  
վէճերը քննելու և վճռելու համար:

58. Պետութեան միջոցով պարտադիր ա-  
պահովագրութիւն մացնել հիւանդութիւն-  
ներին, դժբաղդ դէպքերի և պրոֆէսիօնալ  
հիւանդութիւններին դէմ, ձեռնարկադնուցի  
հաշվով:

59. Պետական ապահովագրութիւն ծե-  
րութեան և աշխատանքի անկարողութեան  
դէմ բոլոր անձնակազմի աշխատանքով ապ-  
րոջներին համար:

### Ը) Ժողովրդական լուծաւորութիւն

60. Ժողովրդական լուծաւորութիւնը  
պէտք է կազմակերպվի ազատութեան, հա-  
սարակացման և ապակենտրոնացման սկզբ-  
ունքներով:

61. Վերացնել դպրոց մտնելու բոլոր  
սահմանափակումները, որ հիմնված են սե-  
սի, ծագման և կրօնի վրա:

62. Զանազան տիպի դպրոցներին մէջ  
մացնել յաջորդականութեան կօպ, որով  
դիւրացվի ստորին տիպի դպրոցից բարձ-  
րագոյնը մտնելը:

63. Ազատութիւն մասնաւոր և հասարա-  
կական նախաձեռնութեան՝ բանալու և կազ-  
մակերպելու ամեն տեսակի ուսումնաւար-  
չներ նաև արտաքոյ դպրոցական կրթութեան  
համար: Ազատութիւն լիզուի և դասուան-  
դութեան:

64. Լիակատար ինքնավարութիւն և դա-  
սաւանդութեան ազատութիւն համալսա-  
րաններում և միտ բարձրագոյն դպրոցնե-



րում: Սբանց թիւն աւելացնել, վարձը պակասեցնել:

65. Ամեն տեսակի միջնակարգ դպրոցների թիւն աւելացնել, ուսման վարձը պակասեցնել: Տեղական հասարակական հիմնարկութիւնների մեծ մասնակցութիւն միջնակարգ դպրոցների տնտեսական, կրթական և դաստիարակչական գործում:

66. Ընդհանուր, ձրի և պարտադիր ուսուցում նախնական դպրոցներում:

67. Նախնական ուսուցման գործը պէտք է յանձնվի տեղական ինքնավարութիւնների կարգադրութեան:

## II ԱԶԳԱՅԻՆ ՀԱՐՑԵՐ

Ա) Ռ ու ա հ ա յ ա ս ա ն

68. Անդրկովկասի հայաբնակ վայրերում, որոնց սահմանները պէտք է փոփոխել ըստ ազգային համախմբումների, հայերը պէտք է ստանան ազգային տերրիտորիալ աւտոնոմիա՝ օրէնսդրական մարմնով տեղական հարցերի վերաբերմամբ:

69. Հայկական աւտոնոմիայի իրաւասութեան ենթարկվում են տեղական բոլոր վարչական, տնտեսական, կուլտուրական և դաստաստանական գործերը:

70. Հայկական աւտոնոմիայի սահմաններում գործավարութեան պաշտօնական լիզուն համարվում է հայերէնը, ճանաչելով հանդերձ փոքրամասնութիւն կողմով ազգութիւնների լիզուների իրաւունքը:

A 1890

71. Կենտրոնական կառավարութեան և նրա օրգաններին, ինչպէս նաև այլ ինքնավար մարմիններին հետ պաշտօնական յարաբերութիւնները կատարվում են պետական՝ սուսերէն լեզուով:

72. Հայկական աւտօնօմիայի սահմաններից դուրս գտնվող հայերը վայելում են անձնական ազգային-կուլտուրական աւտօնօմիայի, հասարակական-իրաւական միութիւնների իրաւունքով: Նոյն իրաւունքները պէտք է վայելեն հայկական աւտօնօմիայի սահմաններում փոքրամասնութիւն կազմող ազգերը:

73. Եկեղեցական գործերում կուսակցութիւնը ձգտելու է, որ հայ ժողովուրդը, ինչ կրօնի և դաւանութեան էլ պատկանի, լիակատար ազատութիւն վայելէ իր եկեղեցական կրօնական գործերը կարգադրելու մէջ:

74. Հայոց եկեղեցուն պատկանող կալուածները, որոնց արդիւնքով պահպանվում են հայ ժողովրդի հոգևոր և կուլտուրական հաստատութիւնները, կազմում են համազգային անկապտելի սեփականութիւն:

2015  
SSG

Բ) Հայկական հարց

75. Հայկական հարցի (Թիւրքահայաստանի) նկատմամբ, ընդունելով որ դա միջազգային հարց է և կարող է լուծում ստանալ միջազգային կօնզրէսում, կուսակցութիւնը ամեն կերպ պէտք է աշխատի, որ այդ հարցը լուծվի՝ ըստ Թիւրքահայերի պահանջներին:

ՀԱՅԿԱԿԱՆ ՀԱՐՑԻ  
ԳՐԱԳՈՐԾԻ ՎԵՐԿԵՐԻ  
ՍՈՑԻԱԼԻՍՏԻԿԱՆ  
ԴՊՐՈՒՄԻ



ԿԱՆՈՆԱԳՐՈՒԹԻՒՆ  
 ՀԱՅ ԺՈՂ. ԿՈՒՍԱԿԿՈՒԹԵԱՆ

Հայ Ժողովրդական Կուսակցութիւնը հիմնական նպատակ ունի հաստատել Ռուսաստանում դեմօկրատիական, պարզամենտական հանրապետութիւն և բարեօրել Ժողովրդի աշխատաւոր խուերի անտեսական դրութիւնը:

Կուսակցութեան անդամ կարող են լինել այն հայերը, որ ընդունում են կուսակցութեան ծրագիրը և համաձայն են ենթարկվելու կուսակցական կարգապահութեան, որպիսին սահմանվում է կուսակցութեան ծրագրով և կուսակցական հաճազումարների կողմից:

Կուսակցութեան անդամները ընդունում են թէ կենտրոնական և թէ այլ կօմիտէտները, ինչպէս նաև նրանցից լիազօրված անձերը: Որևէ կօմիտէտի կամ նրա լիազօրի կողմից ընդունված անդամը մտնում է հէնց նոյն կօմիտէտին ենթարկված կազմի մէջ:

Կուսակցութեան այն անդամները, որոնք ուզողակի կամ կողմնակի գործում են ի վնաս կուսակցութեան շահերի՝ արտաքսվում են նրա կազմից: Արտաքսումը կատարում է կենտրոնական կօմիտէտը: Եթէ արտաքսվածը ցանկանայ՝ վերջնական լուծումը կը լանձնվի կուսակցութեան համագումարին:

Կուսակցութեան անդամները պարբերական վճարքներ են հատուցանում կուսակցութեան գանձարանին, որոնց քանակութիւնը որոշում են համագումարները:



կուսակցութեան օրգաններն են ընդհանուր և տեղական համագումարները, կենտրոնական (Թիֆլիսում), շրջանային և քաղաքային կոմիտեաները:

Կուսակցութեան ընդհանուր համագումարները հրաւիրվում են կենտրոնական կոմիտեաներից առ նուազն տարին մէկ անգամ:

Ընդհանուր համագումարները վճարւում են այն հարցերը, որ վերաբերում են ծրագրի լրացման ու ընդլայնման և կուսակցութեան կազմակերպութեան, որոշում են տակտիկան, կատարում են կենտրոնական կոմիտեի ընտրութիւնը, հաստատում են նրա հաշուետւութիւնը, ելեմուտքը և որոշում են տալիս ամեն տեսակ խնդիրների մասին, որ վերաբերում են կուսակցութեան և նրա օրգաններին:

Ընդհանուր համագումարները բաղկանում են կենտրոնական կոմիտեի անդամներից, ներկայացուցիչներից այն շրջանների և քաղաքների, որոնք ունին կուսակցական կոմիտեաներ, այն անդամներից, որոնք հրաւիրված են կենտրոնական կոմիտեից, և այն անձներից, որ ինքը համագումարը հրաւիրում է իր աշխատանքին մասնակցելու:

Ներկայացուցիչների քանակութեան բաշխումը կատարում է կենտրոնական կոմիտեար: Կենտրոնական կոմիտեի հրաւիրած անձների թիւը չը պէտք է լինի աւելի քան համագումարի ենթադրված կազմի քսաներորդական մասը:

Կենտրոնական կոմիտեին են վերապահվում՝ ընդհանուր ղեկավարութիւնը կուսակցութեան գործունէութեան, հրատար-

կուճը ամեն տեսակ տկտերի կուսակցութեան անուից, կարգադրութիւնը կուսակցութեան հրատարակութիւնների վերաբերմամբ, ելեժուտի նախագծի կազմումը և կուսակցութեան կենտրոնական գանձարանի կարգադրութիւնը:

Կենտրոնական կոմիտէտն ընտրվում է կուսակցութեան ընդհանուր համագումարից մի տարի ժամանակով գաղտնի ձայնավութեամբ կենտ. կոմիտէտի անդամների ժիջից: Կենտրոնական կոմիտէտի անդամների թիւը որոշում է համագումարը:

Կենտրոնական կոմիտէտին իրաւունք է արվում լրացնել իր կազմը նոր անդամներով այն կարգով, որ սահմանում են համագումարները:

Կոմիտէտի ներքին կազմակերպումը այն կէտերում, որ նախատեսված չեն համագումարի որոշումներով՝ կատարում է նոյն ինքն կոմիտէտը:

Տեղական գործերը վարելու համար շրջաններում կազմակերպվում են շրջանային կոմիտէտներ, որոնք ընտրվում են շրջանային համագումարներից մի տարի ժամանակով: Շրջանային համագումարներ հրաւիրելը թողնվում է տեղական խմբերի հայեցողութեան: Նոյն հիմունքներով, շրջանային կոմիտէտների համաձայնութեամբ, կարող են հիմնվել ինքնաւրոյն քաղաքային կոմիտէտներ:

Ժանսօթ. — Մինչև շրջանային կոմիտէտների կազմվելը կուսակցութեան անդամներ են համարվում այն անձերը, որոնք մասնակ-



ցել են կուսակցութեան հիմնադիր ժողովի համար լիազօրների ընտրութեան:

Շրջանային խմբերը կուսակցութեան կազմի մէջ են ընդունվում կենտրոնական կոմիտէտի կողմից, որ իրաւունք ունի կուսակցութեան կազմին չը պատկանող յայտարարել այն խմբերը, որոնք իրանց գործերով ֆուսուսում են կուսակցութեան շահերին: Այս մասին կենտրոնական կոմիտէտը զեկուցանում է գումարովելիք առջին համագումարին, որ և կը կայացնէ վերջնական վճիռ:

Կենտրոնական, շրջանային և քաղաքային կոմիտէտները իրաւունք ունին, ըստ պատկանելութեան, կազմակերպել օժանդակ քայօնական կոմիտէտներ և որոշել իրանց փոխադարձ յարաբերութեան կարգերը:

Եթէ մի շրջանում կազմակերպվում են մի քանի կոմիտէտներ՝ նրանց գործունէութեան սահմանները որոշվում են փոխադարձ համաձայնութեամբ:

Շրջանային կոմիտէտների անդամները թիֆլիսում գտնվելիս կարող են մասնակցել կենտրոնական կոմիտէտի նիստերին խորհրդակցական ձայնով. իսկ երբ նրանք գալիս են կոմիտէտների յանձնարարութեամբ կուսակցութեան վերաբերեալ գործով՝ կենտր. կոմիտէտի նիստերին մասնակցում են ձայնի իրաւունքով:







